

兩浙輶軒續錄

兩浙輜軒續錄補遺敘例

余以暇日復閱續來各集得補遺六卷知此邦之多才喜諸子之同志書旣編定并付剞氏有迫于時刻不及選錄者零圭碎璧遺落尙多掇拾之功且俟來哲南溟潘衍桐敘

一采輯排次履歷小傳壹是規式悉如正編

一續錄成書僅周寒暑卷帙驟富無待增補乃有它省縣遠傳聞較後原藁鄭重謄福紆期春來三月接續郵達稽覽時代互有先後隨時錄存不適排比盡以二月之秒後來篇什概入補遺

一正編排次其有未與科名難定行輩輾轉參酌悉歸斯錄它若志乘無稽姓氏不達其言清斐未忍慙置聞采

一二以表幽芳

一各郡蒐訪數逾萬家續錄成書恆虞漏略爰取總集及所未定者再爲揀補且有清門寒縈流播孤篇名藉詩存詩刪名佚者但期無戾雅裁不敢過爲苛論

一補遺編定已屆夏五儻有續送不及選登

一方外閩秀諸集采訪易周悉存正編不復補遺

一阮錄補遺未有姓氏韻編今屬許王伯仁杰特爲補輯刻入前書是編姓氏仍于卷首分韻以歸一律

一協志補輯者爲孫彥清德祖施覲初啟瑞楊春浦振鐫高龔甫保廉許子頌淮祥孫利叔樹禮嚴鏡陶曾鏗始終不勸併成茲帙余復加鑒別訂其字句非云善本或免大疵

兩浙輶軒續錄補遺總目

卷一 一百七人

詩二百三首

卷二 一百十人

詩一百七十八首

卷三 九十四人

詩一百六十七首

卷四 一百十人

詩二百十七首

卷五 一百三十五人

詩三百三十一首

卷六 一百十九人

詩三百十首

共六百七十五人

共詩一千四百六首

兩浙輜軒續錄補遺姓氏韻編

上平聲

東

馮延年

卷一

馮國佐

俱錢塘

馮鼎延

烏程

馮

孚

俱義烏

馮可鏞

慈谿

馮

偉

俱餘姚

洪楹

新城

洪同元

仁和三

洪

燧

新城

洪昌壽

俱仁和三

洪自含

遂安

翁承高

仁和三

翁學溶

翁學涵

俱餘姚

冬

鍾蘭

會稽

鍾寶華

蕭山

鍾學聚

錢塘

龔秉琳

東陽

支

支隆亦

嘉善

支

元

仁和三

施兆麟

鄞

施

鵬

仁和三

施

鎬

施光輅

俱錢塘

施以梧

卷四

施

煊

俱餘姚

施

山

會稽

伊可封 平湖卷四

微 韋 濂 東陽卷六

魚 車向榮 仁和卷六

余 淞 會稽卷五

胥瑞琮 歸安卷六

徐光綬 天台 徐元薦

徐吳昇 錢塘俱卷一 徐景熹 徐紹基

徐梅 錢塘 徐兆桂 仁和 徐秉文 天台俱卷三 徐時 錢塘

徐受荃 鄞 徐肅 仁和 徐臻 俱卷四 徐家駒 俱海衛卷五

徐灝 錢塘 徐蓉 嘉興 徐鑑淡 德清 徐友庾 山陰

徐鏞 甯海俱卷六

諸殿錕 仁和卷一 諸開泉 餘姚 諸以敦 諸以淳

諸以揚

俱錢塘 諸以培

卷三

諸如綬

卷五

虞

虞 鈞

錢塘

虞光潔

義鳥

虞

峻

象山

朱東觀

錢塘

朱之任

朱之儀

朱錫祿

俱天台

朱儼思

海甯

朱家瓚

遂昌

朱 溥

天台

朱 聲

海甯

朱心學

仁和

朱 輅

錢塘

朱庚年

仙居

朱觀謨

天台

朱 昇

桐鄉

朱觀光

天台

朱延偉

武義

朱埏之

海鹽

朱紹穆

桐鄉

朱新沛

上虞

朱 蓉

朱轍之

俱海甯

朱鳳輝

平陽

朱 浩

秀水

朱希鳳

仁和

朱秉中

臨海

胡貞開

錢塘

胡大濬

仁和

胡 嵩

海甯

胡 煥

仁和

胡 旭

德清

胡啟龍

海甯

胡文蔚

海鹽

胡駿烈

石門

胡祖彝

胡紹基

俱石門

屠 鈞

屠 彝

俱錢塘

屠 鑑

屠 鑫

丁字... 六上り

屠 鎮 俱仁利 俱卷六

吾德沛 海鹽 卷四

吳道煌 仁利 吳振宗 吳 秋 俱錢塘 吳兆隆 仁利

吳上脩 蘭谿 俱卷一 吳人龍 吳輝美 俱義烏 吳龍光 錢塘

吳履基 仁和 吳希鑑 東陽 吳 淦 錢塘 吳錫福 仁和

吳應世 東陽 俱卷二 吳安世 吳世驊 俱錢塘 吳鈞孫 仁和

吳應璇 東陽 吳無忌 石門 俱卷三 吳春照 吳葆松 俱海甯

吳 桐 秀水 吳 鼎 錢塘 吳 霖 海甯 吳 鵬 平湖

吳 英 桐鄉 俱卷四 吳汝燮 海甯 吳兆圻 海鹽 吳武曾 海甯

吳 璇 新城 吳世美 石門 吳煥文 遂昌 俱卷五 吳延長 嘉興

吳皞如 象山 吳 誥 錢塘 吳懋祺 餘杭 吳耀炳

吳士鍾 俱錢塘 俱卷六

盧鈞義 東陽卷一 盧文韶 仁和卷二 盧鍾 錢塘 盧登榮

盧登焯 俱卷三 盧灃 盧雲鼎 俱卷四 盧孝則 卷五

盧友炬 俱卷六

蘇白 仁和卷二

都承恩 桐鄉卷五

及式 錢塘卷四

俞元祺 仁和卷二

齊 齊珣 卷一 齊周南 俱天台卷二

倪濤 錢塘卷一 倪恢 浦江卷二 倪心田 海甯卷四 倪葆辰 嘉興卷五

倪夢參 臨海卷六

佳 柴世垣 柴豫 柴升 俱仁和卷一

灰 梅人鑑 天台卷三

來式鈺

卷一

來珏

來益清

俱卷二

來唯寬

卷三

來煦

俱蕭山卷五

眞

陳明珙

象山

陳梓

錢塘

陳張翼

仁和俱卷一

陳彙芳

錢塘

陳兆熊

天台

陳祖蕃

俱卷二

陳樹楷

陳嘉穀

俱仁和

陳渭

山陰

陳修可

錢塘

陳景初

山陰

陳濤

陳本

俱上虞俱卷三

陳爲霖

太平

陳炳

定海

陳福年

錢塘

陳縉

海甯

陳文楨

陳沅

俱鄞

陳潤

蕭山

陳寶善

陳熊

俱錢塘

陳墀

上虞

陳壽璐

太平俱卷五

陳絢

定海

陳誦芬

臨海

陳學欽

天台

陳得先

象山俱卷六

文

文瑞

駐防卷五

聞人煜

錢塘卷三

元

樊鍾岳

秀水卷四

言九經 會稽卷四

孫季植 孫炎 俱卷二 孫仰曾 俱仁和卷三 孫學詩 桐鄉

孫琦 會稽 孫熙元 仁和 孫廉濟 嘉善 孫輔元

孫儀 俱仁和俱卷四 孫秉元 富陽 孫傳椿 孫爾根 俱嘉善

孫植方 孫悅祖 俱卷五 孫毓芳 俱會稽 孫臨吉

孫泰吉 孫兆麟 俱仁和 孫琥銘 孫銘勛 俱山陰

孫詒燕 瑞安 孫祖耀 餘杭俱卷六

袁日華 卷一 袁槐生 俱天台卷六

寒 韓學乾 歸安卷三 韓泰華 仁和卷六

潘沐 仁和卷一 潘潛昭 平湖 潘朗 餘姚俱卷三 潘時敏 錢塘卷四

潘鶴齡 仁和卷六

刪 關仙渠 錢塘卷一

顏宗儀 海鹽卷六

下平聲

先 錢 覲 錢塘 錢廷枚 仁和 錢 封 錢塘 錢 潤 仁和

錢 灝 錢成熙 俱海甯俱卷一 錢 榕 錢本禮 俱仁和俱卷三

錢 椒 平湖 錢寶廉 嘉善 錢 松 嘉興 錢智林 平湖俱卷五

錢錫保 仁和 錢聚煥 錢應濟 俱嘉興俱卷六

蕭 姚 夔 山陰 姚廷益 錢塘俱卷一 姚 溥 仁和 姚遠翽

姚宏燮 俱錢塘俱卷二 姚 禮 仁和卷三 姚 文 錢塘 姚 楨 平湖俱卷四

姚忠亮 山陰 姚近寶 錢塘 姚 衡 歸安 姚汝晉 會稽俱卷五

姚清祺 餘杭卷六

肴 茅汝拔 仁和卷五

包 晉 烏程卷六

豪

陶煒

陶譽相

陶乾堯

陶廷琬

俱卷三

陶慶麒

俱卷四

陶逢吉

卷五

曹桂墀

海甯

曹汝升

俱卷六

高鳴驥

高儀鳳

俱卷一

高樹穎

高樹新

俱卷二

高樹程

卷二

高瀾

高學潤

高箭

高如陵

俱仁和

高書培

海甯

高保應

高雲

俱仁和

毛一誠

海甯

毛顯誠

仁和

勞權

勞格

俱仁和

歌

羅耆勳

山陰

戈溫如

平湖

何爾彬

於潛

何文弑

臨海

何濟川

東陽

何柏章

何栢章

何栢章

俱臨海

何蜚儀

武義

何慶熙

平湖

兩浙軒輿錄

姓氏韻編

五

何 岱 臨海 俱卷五 何銘壽 海甯 何 澂 山陰 俱卷六

麻 查 喬 查有祊 俱卷四 查世濂 查世鴻

查奕錕 查有淦 俱卷五 查世溥 查仲誥 俱海甯 俱卷六

余燮宐 象山 卷六

陽 楊鴻達 餘杭 楊 澄 海甯 俱卷二 楊執禮 錢塘 卷三 楊 鸞 太平

楊庭蘭 湯溪 楊 鼎 山陰 俱卷五

章士斐 卷一 章戡功 俱錢塘 卷二 章 鏞 餘杭 章 潛 太平 俱卷五

章廷楨 仁和 章 濬 餘杭 俱卷六

張元馨 天台 張之楸 餘姚 張綱孫 張邴曾 俱錢塘

張世泰 黃巖 張 颯 錢塘 俱卷一 張守竊 浦江 張廷梅 嘉興

張 培 錢塘 俱卷二 張 淦 仁和 張國華 錢塘 俱卷三 張金階 嘉興

張元吉 桐鄉 張 誥 平陽 張鳳苞 錢塘 張岳鎮 秀水

張麟鄞 張徐鼎錢塘 張陶詵嘉興 張蔭棠錢塘

張家驥鄞 張鶴瑞海甯

王紹隆海甯 王芝瑞錢塘 王先吉蕭山 王之賓仁和

王喆錢塘 王元鑑秀水 王永嘉申陽 王錚

王錫 王槐俱錢塘 王廷璋 王夢熊

王又曾俱仁和 王錦秀水 王綱海鹽 王作賓天台

王箕海鹽 王遐年東陽 王崇本仁和 王楨秀水

王策海鹽 王峻明平湖 王起霞甯海 王金鎔仁和

王蓋臣平湖 王晉臣仁和 王葵之秀水 王模甯海

王鴻朗海甯 王錫疇餘杭 王汝鼎山陰 王齡蕭山

王毓辰長興 王以湘仁和 王瓚上虞

房楚桐德清

方廷珮 石門卷四

方彬 金華卷五

梁之祥 會稽卷五

黃燦

黃焯

黃鐘

黃錚 俱卷一

黃澐 俱仁和

黃士翮 義烏

黃柱

黃槐

黃杜

黃棠 俱卷二

黃杓 俱仁和卷四

黃夢香 樂清

黃福珍 仁和俱卷六

唐洪基 仁和卷二

唐王森 蘭谿卷五

唐翰題 嘉興卷六

湯燧 仁和卷二

汪晞 仁和

汪慈霖 錢塘俱卷二

汪嗣勳

汪三益 俱仁和

汪誦棻 桐鄉俱卷三

汪琨 錢塘

汪之選 仁和

汪應鈴 秀水俱卷四

汪適孫 錢塘

汪泓之 海甯

汪守愚 秀水

汪璵 山陰俱卷五

汪立功 錢塘卷六

庚 成肇毅 仁和一 成廷楫 錢塘卷二

程光禔 錢塘 程鳴 餘姚 程光縉 俱卷一 程潮 俱錢塘卷二

青 邢司直 嵯卷四

丁炳輝 天台卷四

蒸 凌世景 天台卷二

應大觀 仁一卷一 應履墀 海甯 應壽椿 永康俱卷四

尤 劉文焯 仁一卷二 劉運坊 定海 劉夢熊 平湖俱卷四

周文燿 海甯 周元謙 仁和 周學備 東陽俱卷一 周濱 蕭山

周鼎樞 嘉善俱卷二 周濂 富陽 周祖 錢塘 周由厚 仁和

周大受 錢塘 周喬齡 餘姚 周整 仁和 周沛蒼 蕭山俱卷三

周官 仁和 周書 嶧 周光緯 仁和俱卷四 周閑 秀水卷五

裘多藝 天台卷一 裘宗瑞 仁和卷五

仇鼎 錢塘卷四

樓廷奐 東陽卷三 樓金 錢塘卷四

鄒上驤 餘姚卷三 鄒清 臨安卷五

侵 林國翰 錢塘卷三 林培厚 卷四 林用光 俱瑞安 林茂嶠

林藍 俱太平卷五 林慶衍 瑞安卷六

金日煥 蘭谿 金世綬 錢塘俱卷二 金勝 海甯 金超齡 嘉興

金安 天台 金楷 仁和俱卷四 金集 桐鄉 金兼 天台

金肇洛 仁和俱卷五 金濠 金華 金濟 仁和俱卷六

岑振祖 餘姚卷四

鹽 嚴籥 卷五 嚴汝恭 嚴以寬 俱歸安 嚴曾銓 錢塘俱卷六

詹吉 仁和卷五

上聲

董

董慶章

會稽

董

璋

泰順 俱卷六

孔廣璞

象山 卷六

講

項傅霖

瑞安 卷五

紙

史福濟

史英濟

史久中

俱山陰 俱卷五

史

蘭

嘉興 卷六

李頴

李延澤

俱錢塘 俱卷一

李榮

卷三

李方洽

俱仁和

李巽占

定海

李汝皋

太平

李世楷

仁和 俱卷四

語

褚令德

嘉興

褚錦春

餘姚 俱卷三

璣

嘉興 卷六

許日章

海甯

許先甲

仁和

許楹

俱卷一

許佐衡

俱海甯

許正頤

天台

許松

仁和 俱卷二

許元鉦

東陽

許心坦

仁和

許之愷

平湖

許傳考

天台 俱卷三

許柯

錢塘

許樹穀

海甯 俱卷四

許震華

錢塘

許光鑑

仁和 俱卷五

許光華

錢塘 卷六

廣

鄔熊卜

甯海 卷四

武 淘 定淮卷六

杜寶霽 山陰卷五

阮 阮福昌 會稽 阮昌材 太平俱卷六

篠 趙憲斌 仁和 趙有德 餘姚 趙以文 錢塘 趙昌齡 海甯俱卷一

趙 沅平陽 趙 皖 錢塘 趙 然 山陰俱卷二 趙煥文 東陽

趙 鑄 會稽俱卷四 趙笙鏞 仁和 趙家薰 慈谿俱卷六

巧 鮑懋芳 仁和卷一 鮑成宗 瑞安卷四

馬 馬 狝 馬 鑣 俱富陽俱卷一 馬 珩 仁和 馬用俊 海鹽俱卷三

馬又鏡 石門 馬慕藺 仁和俱卷五 馬恩黼 鄞卷六

夏呈圖 青田卷四 夏建謨 夏建寅 夏拜颺 俱卷五

夏錫麒 夏振麟 俱錢塘俱卷六

養 蔣承培 仁和卷三

梗 景 雲 餘姚 景 謙 仁和 俱卷四

有 鈕福皆 鈕福疇 鈕承筠 鈕福海 俱鳥程 俱卷五

寢 沈兆昌 海甯 沈兆連 錢塘 沈泰漳 鄞 沈如焯 錢塘

沈聖旭 沈聖治 俱仁和 沈翼世 海甯 俱卷二 沈叔培 錢塘

沈廣震 沈廣開 沈廣大 沈純中

沈璘森 沈楷 沈錫培 沈構堂 俱仁和 俱卷二

沈詩李 會稽 沈浩 桐鄉 俱卷三 沈澐 歸安 沈元錡 海甯

沈步瀛 嘉興 沈燮臺 平湖 沈鈞 桐鄉 沈禮因 會稽

沈德軫 海甯 沈志香 錢塘 沈維樹 海甯 俱卷四 沈鵬元 仁和

沈 沈 桐鄉 沈 烜 海甯 沈 雒 海鹽 沈振鱗 石門

沈慶慈 平湖 俱卷五 沈 瑩 歸安 沈 懋 臨海 沈允章 仁和 俱卷六

沈 范光裕 上虞 卷二 范崇楷 錢塘 卷四 范 新 仁和 卷五

兩浙輶軒續錄補遺 姓氏韻編 九

去聲

宋

宋

榮

海甯卷五

未

貴

成

駐防卷五

費金鑑

石門卷六

魏士龍

錢塘卷五

遇

顧

彝

卷一

顧錫鬯

俱仁和卷二

顧光烈

錢塘卷三

顧景康

嘉善卷四

顧錫慶

錢塘卷六

裕

貴

駐防卷四

傅辰三

仁和卷一

霽

桂千人

天台卷二

桂

衡

駐防卷五

計飴孫

秀水卷三

厲得鵬

定海卷五

蔡宏勳 永嘉卷二 蔡鈺 卷三 蔡任 卷四 蔡熾昌 德清卷四

蔡錫倉 石門 蔡燕綦 黃巖卷六

隊 戴王微 浦江卷二 戴鎬 仁和 戴光曾 嘉興卷三 戴咸弼 嘉善

戴熙堂 俱卷三 戴興淮 俱浦江 戴禮 遂安 戴熾昌 海甯俱卷六

嘯 邵士莊 富陽卷一 邵方平 仁和 邵祖節 錢塘 邵嗣桂 仁和俱卷二

邵澍 平湖卷四 邵王佐 天台卷六

箇 賀正修 臨海卷六

禡 謝天樞 謝開家 俱象山 謝嘉玉 山陰 謝天桂 象山俱卷二

謝廷燮 仁和 謝偉 謝樞 俱上虞卷三 謝必成 象山卷四

敬 鄭滋 仁和 鄭許捷 海甯 鄭吉士 仁和俱卷二 鄭景濂 錢塘

鄭遵兆 浦江俱卷三 鄭載恩 嘉興 鄭燃 蘭溪 鄭夢江 樂清

鄭福森 鎮海 鄭鏡堂 定海俱卷六

孟 彬 秀水卷三

入 馨

屋 陸曾紹 仁和 陸 韜 餘姚卷二 陸載熙 烏程卷三 鏞 石門卷四

陸鳳儀 錢塘 陸亨濟 海甯俱卷六

卜光裕 秀水卷四

祝翼萃 海甯卷一

郁永和 仁和卷一 郁鼎鐘 嘉善卷五 郁 庚 山陰卷六

覺 岳鴻慶 嘉興卷四

卓 回 仁和卷一

物 屈茂垣 秀水卷六

曷 葛 嵩 嘉興卷四 葛鳳喈 臨海卷六

藥 郭紹孔 郭孝寬 俱仁和卷一 郭之玖 金華 郭廷棟 東陽俱卷二

郭象履 金華 郭沈彬 海衛 俱卷五

駱炎 卷五 駱炳燦 俱諸暨 卷六

錫翟翹 翟飛 俱臨海 俱卷六

戚士廉 德清 卷六

葉能仁 葉燦 慈谿 俱卷二 葉龍官 錢塘 卷三 葉錫鳳

葉愚 俱卷四 葉煥 俱慈谿 葉福凝 錢塘 葉思澄 秀水 俱卷五

葉枝玉 青田 卷六

兩浙輜軒續錄補遺卷一日

倪 濤 虞 鈞 朱東觀 李 穎 馮延年

黃 燦 黃 煒 沈兆昌 祝翼莘 朱之任

朱之儀 徐光綬 朱錫祿 張元聲 張之琳

何爾彬 成肇毅 吳道煌 王紹隆 程光禋

胡貞開 吳振宗 錢 觀 吳 秋 李延澤

章士斐 郭紹孔 吳兆隆 鄭 滋 錢廷枚

陸曾紹 胡大滌 卓 回 鄭許捷 朱儼思

周文燿 許日章 陳明瑛 程 鳴 裴多藝

姚 夔 關仙渠 沈兆連 來式鈺 徐元薦

鄭吉士 支隆求 錢 封 朱家瓚 張綱孫

張廊曾 錢 潤 施兆麟 沈泰漳 張世泰

盧鈞義 王芝瑞 王先吉 邵士莊 馬 翀

陳 梓 徐天龍 程光縉 柴世垣 柴 豫

柴 升 顧 彝 鮑懋芳 應大觀 趙憲斌

王之賓 郭孝寬 施 鵬 錢 灝 錢成熙

徐辰角 趙有德 何文弼 袁日華 潘 沐

吳上修 馬 鏜 許先甲 姚廷益 徐吳昇

張 颯 趙以文 沈如焯 黃 鐘 黃 錚

諸殿錕 郁永河 傅辰三 周元謙 陳張翼

高鳴驥 高儀鳳 沈聖旭 沈聖治 沈翼世

趙昌齡 許 楹 陸 韜 齊 珣 朱 溥

周學備 虞光滌

兩浙輜軒續錄補遺卷一

督學使者潘衍桐訂

倪

濤字山友號崑

府志濤幼聰穎過目不忘嗜讀書榜其齋曰蠟術於四
部之書無所不窺銳意著述考史傳之同異六書之源
流秦漢以來金石文字次第編纂貧不能致鈔胥與其
子棠手自繕錄室無斗儲而家人相對訢然以鈔書為
樂後乃專於治經撰周易四尚分辭變象占折衷諸儒
之說謂先天後天河圖洛書位置巧合但以陳搏之圖
而竟指之為伏羲先天以孔子之言而反目之為文王
後天則近於僭有河圖而謂伏羲因以作易有洛書而
謂神禹因以演疇則近於鑿注釋愈多攻辨遂起固分
載六圖於繫辭說卦之後而附以諸家之辨自比於春
秋謂人識者韙之

卷十六

擬白香山有木詩八首

并序

嘗讀前後漢書列傳見文章爾雅訓辭深厚以儒林

稱者時同功異民有餘思以循吏稱者偏上并下敗俗傷化以貨殖稱者不入道德放縱末流以游俠稱者又見依倚道藝非所能通如方術所述者才行高秀不專一操如列女所述者又若事非通圓風軌足懷如獨行逸民之流修奉朝貢各以其職如西羌西域所紀因引風人騷人之興賦有木八章以寄望古振今之意

有木名梧桐棲鳳臨清池朝陽承新色碧玉拂疏枝春風及萬物枝葉方芟滋別類或刺手花發眩頰姿浮華惜無實譎似空參差排雲高百尺孤立耀後時知音儻可待韶雅誇天資槃阿厲名節澍雨敷丹墀

有木翳芳陌釋名爲柔桑甚繁喜沃若枝敷詠遠揚鳩鵲時

相食鷓雀集其旁藉非施翦伐豈能成秀良薄物有本性頻
采每失常遺愛冬日短養榮飄風傷因利勸勤植知時及分
秧一榆百本薤生意充垣牆

有木名槩黍其尤數陳夏物華足本真何用幻虛假剛斧承
竹筒巧取心入冶遂令刺繡文轉傍市門下藻稅改環堵丹
楹耀翠瓦投膠罫所趨合藥效偏寡顧茲本微植孰爲論大
雅有用轉相資常度慨輕捨

有木盛湖湘其名賦束楚同在薪蒸中獨以翹楚許叢生寢
以滋藩觸勢莫阻託質非無用橫生未得所偏不儕梓枌翻
憂害禾黍或慕堅彊性相依近居處下趨棘與荆當路苦徒
侶山樵不可刈聚類快一炬

有木名椒聊鍼棘傷人手葉弄晚晴餘花落新涼後辨味誤

茶乳酌漿混桂酒有實說蕃衍其數卜升斗衡星散何時巫
風傳已久託根非所貴榮枯置林藪崇蘭有國香佩萸辟羣
醜竊似亂其眞明聰爲所誘

有木振清標冬青長巖曲石深根自生地溼花不屬獨全歲
寒心豈必長生籙春光曉浮瓊微雪香散玉孰與賞孤芳未
易敦薄俗浮豔趨眾玩清芬遜遺躅亂枝逐風塵餘芳安可
贖以之承其流女貞隱相辱

有木名香檀喬柯振高風守素著奇節垂青表直躬縝密質
逾美堅重氣自充巖阿適清曠何妨庭陞中材大曷足貴利
用資良工輪囷夙所望車輻勞相攻萊蕪歌閭里避世同牆
東空山老閒散滋培負蒼穹

有木至不材臭濁山有樗生同覆載內氣浮質幹疏繩木難

爲設拳曲焉可舒樵采幸相棄天年欣有餘乃因土膏潤移
根通邑闔斧斤非不利頑蠢未忍除虎目別椿種鮑肆滄蘭
居雨露厚霑被冥然絕生初

虞

鈔

字峻民錢塘諸生

省志鈔少孤事母至孝家貧以教授供母務得歡心母
病危醫藥不效鈔潛割胸肉雜湯以進病遂愈後母以
天年終鈔廬墓側遇大雷電必出立墓旁曰兒在此母
毋畏終制晨赴館暮必反於廬雖友朋文會大雨雪固
止不從一夕迷失道陷大澤昏黑中有光
前導乃得出廬前生連埋木三菁蔥可愛
縣志鈔躬耕自給不辭胼胝毅然以道爲己任志在明
經敦五倫沈子增問何所長曰吾年已長大而尙有童
心血氣雖衰而不敢自暇逸其好學不怠如此年六
十一終無子春秋諱日諸弟子咸會墓上享祀惟謹

論六朝人詩絕句仿遺山體

搆思超忽氣奔馳篇體驚奇睨一時無意異人途自判何因

仲偉有微詞

鮑照

梁園習隱臥荒邱不為浮名事遠遊解識榮枯歸大造清談

猶見晉風流

湛茂之

曠達豪雄命世英江山驅遣筆縱橫好將古意寄深意不著

描摹失性情

袁淑陸凱

別有低徊宛轉心託辭騷怨寫幽深庭蘭簷樹春秋改一點

相思何處尋

吳邁遠

風格由來幾降殊樓臺七寶說芳腴太常雅意翻新樂不問

知音世有無

王僧達

懷人感事韻冷然景物爭從筆底妍骨格丰神并超絕清腴

浪說祖延年

謝朓

角勝朝廷恣規古詩如禪律限凡夫零陵佐命東陽相文柄

難窺異霸圖

梁武帝 元 諸王

回電驚瀾曠世才發揮奇氣掃荒萊此中風骨殊升降欲駕

何郎轉自猜沈約

海內文人誇製作各師心法體紛紜翩翩濁世佳公子力挽

狂瀾可出羣任昉

雲錦輕裁亦大難性真束縛笑無端落花依草矜姿媚不識

仙人換骨丹邱遲

流風餘韻歎衰微月旦何人定是非獨立巍然化淮北關山

千里白雲飛劉昶

左辭班史氣相凌標榜宏才得未曾不數南朝盛文翰東都

兩晉有師承高昂 顧之推

音長節短氣紆回蕭氏偏多不易才風致應難抹邢魏已如

瓦缶望奔雷蕭愨 邢 魏收

天外來龍若有神論才亦可冠羣臣有時縱力追前古直與

陳思作繼人

隋煬帝

映媚休誇辭播州沈雄華瞻俯時流空梁泥落人能及詩骨

須知尚警適

楊素
辯道衡

行閒字裏細評量並駕盧虞繼仲方通體精神傳句眼此中

風氣關初唐

盧思道
虞世基
崔仲子

朱東觀

字全古
錢塘人

省志東觀博學通敏具經濟才中崇禎丙子副榜貢生
尋棄去養母於石人鳴母心乃出游楚粵滇蜀年老眼
昏日於夾窗助明處繕寫不輟
所著書甚多年八十卒於京師

寶所塔

蕭疏苔竹也堪棲蛛網牽絲護舊題風裏百鈴如可語人閒
萬劫不能齊懸厓定有靈蛇繞啟戶還聞怖鷓嘯頭白枯僧

猶健飯那堪風雨賦淒淒

李

穎

字考叔錢塘人著續南華詩文藁

杭郡詩續輯考叔少時從毛文龍于皮島甚久其後西出雁門南盡閩海復游宋荔裳北平幕中荔裳曾為選刻其詩今不可得見陳扶雅廣文藏有考叔七十九歲手錄藁一冊因從借鈔

南旺觀荷

南旺湖頭萬頃沙柳隄深處夕陽斜披襟箕踞閒揮麈指點

奚童折藕花

馮延年

字千秋錢塘人著秋月庵稿

杭郡詩續輯千秋為前明祭酒秀水夢禎之孫祭酒娶于武林沈氏築快雪堂湖上千秋因入籍錢唐中崇禎己卯副榜貢入太學鼎革後歸隱秋月庵為復社耆宿與子首川融父子並有箸錄

簡張天生

惜別同驚亂後身依然汐社有遺民俊游試擊催詩鉢雅事

閒攜漉酒中屈指故人判生死未妨吾輩獨貧辛何時一棹
西風裏共向洲前采白蘋

黃 燦 字維含 仁和人

府志燦究心經史兼能文章崇禎末海內
方崇尙詞華燦獨推古文源流並有規格
吳振棫曰維含為明江西參議汝亭孫諸生茂梧子茂
梧早卒時汝亭方宦游賴母氏顧若璞教之為維含造
船泊斷橋孤嶼幽絕處使吟諷其中名曰讀書船作
詩紀事有且自獨居揚子宅任他遙指米家船之句

西村閣二首

人家西復西草徑晚煙薄胡蝶自雙飛苔痕破牆角

小坐不覺寒擁月且孤臥昨宵雨聲多流泉枕邊過

坐蜨庵望江閣偶成六言示道閣

小隱不妨飲酒窮愁始能著書闌外剛逢鬪鴨亭前又往呼

魚

眼前楊柳如許心上故人何處浮生聚散紛紛今者惟吾與

汝

黃

煒

字維韞燦弟仁和人

城北雜記維韞至性過人慷慨有經世志嘗論兵法屯田水利山川形勢以期可用與兄維含較論古文時稱爲二黃

寄江文波橫山

春好與人靜當茲明庶風魚吹細浪碧雀啄野花紅短策孤

煙裏長歌落照中興來可以適且號鹿皮翁

沈北昌

字天目海甯人著清雪堂詩

許淮祥曰天目先生中崇禎庚辰進士授漳浦令時黃石齋先生予杖歸里講學於鄉甚推重之會閩帥鄭芝龍擁重兵駐海上鷗張跋扈諸大吏皆寒毛惕伏芝龍遣裨將徵餉於漳騎馬直入氣張甚天目罵曰若一叛帥帳下兒目不識沈令君天下男子敢媿侮朝廷三尺地取擲其檄弗顧裨將還報芝龍大怒立嫉大吏劾去

之入
國朝以大理寺評事徵不起築老圃堂以見志遂終隱焉
別黃石齋先生

先生講學出蓬蒿喜見鄉閭有俊髦久信仁賢關國運每懷
民物待吾曹何時得慰范滂志遲客同吟屈子騷歸去六橋
明月夜碧天延望我心勞

祝翼華

字傳古
海甯人

許莊祥曰傳古先生為明季諸生鼎革
後以方術隱龍山梅里閒年八十餘卒

客中坐雨

向夕冥冥雨秋聲動魄來北風度原野鴻雁不勝哀京國烽
方急鄉關夢不回予懷正愁絕何必更登臺

朱之任

字君異號覺庵天
台人著自娛集

天台詩錄覺庵先生十餘歲即善作文有逸氣奇思經
史諸子百家靡不披覽好論古今成敗得失如指諸掌

魯與同邑徐光綬及弟之儀疏劾馬阮二奸不報及歸
聞變棄儒冠遁入歙山當時名士後先避地入台者若
萊陽姜如農兄弟武林陸麗京柴虎臣蔡九霞毘陵韓
公復憚正叔輩率一見契結及難平返居故里家政悉
付季弟樵溪行止如孤雲野鶴或棲身禪林名僧聯席
喜讀莊騷藜藿不充而歌聲出金石晚乃構數椽於宅
後扁其堂曰遜敏箸有四書尋徵史林易通太極圖河
圖廣說詩經偶筆春秋述元鉛槧等書又著有古唐詩
箋嘗攜行李道武林吳門至南都謁孝陵循長江而還
遍訪遺民淒然有今昔河山之感言旋後遂閉戶不出
日坐遜敏堂中唯懸一榻待徐先生及與雪庵補錫白
頭往來談前朝事吞聲嗚咽與樵溪至老和靄無閒至
經史疑義則高談雄辨務暢厥旨後進亦
多所造就齊侍郎召南嘗爲序其遺集

詠史

獨坐無與晤攬衣起行遊遊彼山澤閒樹木何清幽狐兔伏
巒岡羣鳥鳴啾啾荆棘塞中路元雲起高楸晨風不可遏去
雁甯少留徒存帝王略含鬱誰與酬區區魯子敬邈焉已寡

儔

公子名冠世捐死救邯鄲不遵魏王令祇其監門言兵符盜
王寢追擊虎狼前虎狼旣已遁趙德魏不然公子遂留趙十
載不言旋救趙非徒趙此旨若爲傳當機在能斷常義詎足
牽

秦王若虎噬貪心肆且堅誰當巡遊日擊之屬車前黃石夜
傳書眞訣得已先挾以語天授聲迹俱空筌鴻門幾曲折薄
蝕銷瓊筵卒之殲二暴兵事絕不傳已宏赤松願得遂此爲
韓豈非眞王良天馬行翩翩

昔年十四五高志卓不羣作論擬賈傅著書薄子雲將樹黼
藻業千載立名勳如何一朝異萬事等颺塵達人齊出處隨
在有天鈞豈有失其一偏枯遂不仁彭澤稱高士首陽是遺
民薇蕨苟可采安知非我春

張九夏徐印卿袁叔素許以久遊赤城有賦予未與步

韻和之

數載徘徊書卷閒攝衣猶阻步潺湲祇疑白雁來何國誰認

霞城是舊山峭壁眞文留大火崎空紫氣滿函關知君此日

多清興飛閣層樓其往還

朱之儀

字君正號檜溪之伍季弟天台人著拾橡吟

天台詩錄檜溪少聰穎讀書三過成誦年十六成諸生
國變後伯兄覺庵棄儒冠檜溪亦無意進取兄弟奉其
父石貞先生避兵歎溪卽南齊顧景怡檜溪舊隱處爰
取以自況嘗題楹云漢世隔桃源何論魏晉山中無歷
日祇辨晨昏難平旋里與覺庵共居遜敏堂中講論經
史諸子百家釋道陰陽諸書無不流覽喜排難解紛人
皆仰賴以德行稱於鄉姪溥有詩云覺翁抗志絕人境
檜翁韜光稍和同市中有地亦栽柳貞不絕俗如林宗
兄弟二人一夷一惠迹異心同也所著集與覺庵集都
爲一卷齊次風少宗伯爲之序其拾橡吟一卷則詩雲
怡徵君文弁其首

挽徐確庵

桑戶反其眞子春方病足云胡倚戶歌不及撫棺哭高嶺推
寒松悲風刷修竹飢麟長不噬饞虎紛翹陸舉世棄先生先
生亦棄俗鴻逵飛冥冥瞻烏於誰屋管甯卒于魏陶潛仍晉
錄往年哀伯氏覺庵先生卒先生茲不復悵悵後輩人斯焉取芳

躅

挽貞毅姜先生

故國淪胥事已非孤臣徒倚欲何依祇言阜帽終須返誰識
黃冠竟不歸巷哭淒其吳市月堂封慘淡敬亭暉懸知此日
排闥闔玉几重瞻淚滿衣

挽張元茗先生

狙擊無功漫倚橋其如十日索羸朝蕨薇笑拒清風峻金石

歌成白鶴遙東海難容天下士西陵應壯浙江潮夜來倚劍看箕尾果有光芒射斗杓

徐光綬

字印卿天台人

天台詩錄先生與兄長卿夙以道學自任時稱二徐先生尤以志節著嘗應東城東胡某聘甫就席聞鄰婦勃溪變色曰吾道未東漸何顏坐飲遽拂衣去國變後仍方巾大袖遇三月十九日必閉戶涕泣設奠終日不接一人鄰里稔知其事私相謂曰今日徐先生杜門日也嘗與朱君巽及長卿兩先生唱和往來道旁見者無不肅然屏迹歿之日幾於貧無以葬門下士斂而助之

挽朱覺庵

逸士存宏毅傷心國祚偏枌榆思漢社疆里歎周宣鼓舞聞雞志幽傷述酒篇回天何處是熱血灑山川

朱錫祿

字光世號獻葵天台人

天台詩錄獻葵少儻抗慨有大志不拘小節讀書涉獵不求甚解年二十有聲庠序耿介質直士林中多憚

之鼎革後棄儒冠戴方幅巾
隱居黃里溪別號黃溪廢老

黃溪小隱

獻策無功祇自羞好將耕鑿隱荒邱防身一劍今無用極目
孤鴻天已秋小築蝸廬真遯世幾人猿臂得封侯今宵錯道
能安枕風雨飄飄尙未休

張元聲

字汝韶號九夏別號幽溪散人天台人著度予亭草桐柏草養疴吟

天台詩錄九夏先生為明工部侍郎文郁子以拔貢官刑部主事國變後陶情山水海內諸遺民避亂寓台者皆翕然以風雅推之陶休修嘗寄以詩云竊怪季鷹招不至悠然亭下讀離騷蓋有以諒其心矣三台詩錄稱其干詩學有起廢功所著兵燹拾餘及諸詩集錢塘陸講山所為之序

夏日苦熱因憶幽溪洞壑

炎天日當午火帝鼓嚴威搖扇苦觸熱况乃伏枕時揮汗拭
冰簟展絺拂羅帷歎鬱隘城郭逍遙思山谿雲林既窈窕巖

壑亦嶽崙曲磴入丹洞虛亭出翠微流泉瀉幽壑危石聳洄
澗披襟輕飄至濯纓密陰移爽心不厭久適已長自怡縱身
聊偃臥夜半天雞嘯

春日借陶冰修遊赤城

春風遲遲吹東郊草已綠攜手出北門陵阜相斷續振衣霞
城山攀躋石磴曲入門欣所憩紫氣還相觸排雲直再上天
際放鴻鵠解衣浮屠勞呼童進醪醑錯坐恣歡諧日暮猶未
足長嘯下崇岡歌聲策駿驟餘興滿黃昏銜杯對明燭

挽汪魏美先生

風流一代盡吳關悵望雲旂不可攀甯使少微占處士不留
遺草出人閒山中鶴唳聲如怨湖上梅花冷欲刪回首西陵
松柏路故人腸斷淚潸潸

張之琳

字侶嘉號配雲餘姚人順治丙戌舉人官湖南桂陽知州

張廷枚曰先生官桂陽時土寇蜂起州境殘破悉心撫字流連四集有古良吏之風

獨坐

風倚秋而傲雲當水更清樓虛涼月入村遠細燈明菊蕊露

中發蘭芽幽處生幾人寤清境平旦又鐘聲

何爾彬

字霜崖於潛人順治丙戌拔貢官工部郎中祀鄉賢

縣志爾彬官江蘇江陰知縣治績廉明行取入京擢禮部主事監督太平遇仙等關稅務剔弊懲姦商民稱便

印渚

選勝窮登臨適意足泉石平野望蕙芊人情自開滌叢林翠

欲浮遠山靄如積曲渚環通川夾岸擬沈碧嵐含雨氣清石

賤灘聲激臨流羅市塵平疇列阡陌行魚戲相忘歸鳥鳴相

索日落暮靄平月逆寒煙白好風常徘徊時雨每浙瀝寒暑

逐春秋景物判晨夕中林可相羊嶺雲堪怡懌甘素辭榮華
拙官憚行役寄志適林邱守茲五畝宅

成肇毅

字而卓號愚中仁和人順治己丑進士官禮科給事中

府志肇毅由進士知新河縣有惠政行取擢禮科給事中時松江提督馬逢知初名進實起家羣盜貪橫無人理縱兵因掠官吏不敢問肇毅奮然曰事孰有大於此者乎乃密疏其二十四大罪糾之

朝

廷恐激變下

温旨

徵入旋置重典妻女發配當逢知之入覲也寶貨二十

餘船他物不可勝計至是無一存者人皆快之踰年乞歸著有黃門奏疏行世

緝雅堂詩話愚中先生立朝亢直有彈壓山嶽氣象其趨朝詩云待漏金門肅盟心白水清明時容直諫薄植愧微名應運期麟鳳嬉春笑燕鶯今朝有封事
休便擬陽城氣和心正百載下如見其人矣

擬古

臨歧折楊柳藹藹春未晚雨雪忽載途君行不願返離居聊
放意對酒日以淺四望無知音絃歌久自遠願比雙鴻鵠飛

鳴其相善

武皇渴延攬略分威置腹中原底大順鄴都酬微祿層城霄
漢閒第宅鬱盤曲雜葩翫清池流輝潤華屋凡籟鳴其風秋
蟬處於木策名各及時願言奮黃鵠高才足遺世偉業亦駭
俗邂逅初相知私心各繫屬敢附禮賢名天資膺圖籙

蔚蔚山中花蒼蒼道旁樹朔風集繁霜託根負貞固小草有
本心庸隨流景腐我材遜楨榦非分獲殊遇清漏侍瑤禁詞
曹浪比數此心詎無知修名敢不務涓埃矢所報式宴賡湛
露

壯歲世多故仗劍辭邦畿荆蔓滋已徧萍根傷焉歸引領復
西望嶠函計已非擊節渡漢陽薄暮落斜暉山河遠逾淨草
木淡含霏悲風弄淒緊繞枝鳥倦飛感物行自悼蒼茫何所

依聖主靖京邑徵賢謁宸扉
搗文待瑤翰荷寵垂錦緋
方期竭所學晨露忽已晞
厚義緬往昔高蹈愧知幾
葛藟承永庇矢願終莫違

吳道煌

字瑤如仁和人宛平籍順治己丑進士官江蘇蘇州知府

府志道煌初知武康縣事邑故無城郭溪嶺峻達為盜賊窟穴下車即飭保甲詰奸究治期年無一賊敢犯境者已而補官閩中以卓異擢禮部郎中出守蘇州新立駐防旋奉部撤回咸觀望不即去言于巡撫曰禁兵驕狻遲則民受其禍計惟召諸守協濟以速其去請先具屏履集餼糧且曰太守為諸軍祖道勿逗留獲罪萬艘一夕發里巷歡呼慶更生吳郡財賦甲天下故事分解部寺內外吏因緣為奸乃建議當歸戶部法始畫一有妄男子指怨家通洋株連數百人為之力辨其誣竟從末減在任五年郡人德之立祠于虎邱

效朱子十二辰詩分賦從軍

杖劍從軍投鼠鬚蝸牛角笑蠻觸居韜鈴虎豹敵萬夫
兔起鵲落鸞矢弧龍媒騎射落日餘蛇矛犀甲爭前驅
晚涼洗馬

長城渠牧羊塞上秋草枯猿猴夜月嘯林於聞雞起舞莫躡
踏臂鷹牽犬聊自娛豕突紛紛何爲乎

王紹隆

字聖則號綏山海甯人順治己丑進士官江甯道參政

府志紹隆選庶常授西主江甯道參政江甯
國史院檢討晉論德丁酉主江甯道參政江甯
爲前明陪京多任俠犯科莫敢過問紹隆禽其魁誅之
兵民安堵無何海寇入犯舉城洶懼紹隆沿江閱視三
晝夜馳數百里歸謁制府畫山川形勢防守所宜悉中
機要軍中掠難婦干餘白制府悉以還民事平鞠從逆
諸人多所滿雪引疾歸年未四十
關小圃曰蛛隱養親課子以自娛

故園

閱盡滄桑人事非故園有夢不如歸逍遙世外陶潛宅戲舞
庭前菜子衣黃犢朝驅農脫劍木棉夜織婦鳴機青鞵布屨
蕭閒甚長自哦詩掩短扉

程光禋

字弈仙錢塘人順治辛卯舉人官湖南石門知縣

府志光禪原籍新安生平孝友醇謹宰石門清
廉惠愛時翁然稱召杜吳三桂叛殉于官署

褒忠祠

辛苦當時一敬輿入朝從狩只封書自從別駕忠州後敢望

陪游內相初孤嶼春風搖草木兩湖秋水拜樵漁誰知寫狀

如生處峻宇雕牆陸炳居

胡貞開

字循蜚號瑟庵又號皋鶴錢塘人官河南商邱縣丞著霜林寤歌集

杭郡詩續輯循蜚生有夙慧讀書南樓合南北同人結
大社徵四方文萬餘篇精選八百有奇名石鼓桐行世
性喜弓馬通劍伎善畫石崇禎己卯舉于鄉入

國朝後應

詔署嘉興刑官尋改選湘東司理未幾謫商邱丞罷歸架小
屋五椽顏曰米山堂著有讀史隨筆三十卷毛稚黃為

序之

題畫

綠蕉新雨無人到閒倚書窗紀舊游記得潯陽江上宿匡廬

天半晚來秋
三
又上文

天半晚來秋

吳振宗

字與公
錢塘人

緝雅堂詩話與公磊落多才縱其豪氣不可一世燕南代北劍客奇才多與為偶潛夫詞語可以相贈矣

谿亭小飲懷茂倫

野旆山橋得酒賒
柳陰濃處近漁家
一溪殘照似留客
幾樹碧桃初落花
南國美人仍海嶠
東風芳草在天涯
應知別路吳江遠
夢到垂虹月未斜

東王望如張修崖鄧叔可

同心二子相約過
溪橋攜此綠玉杖
兼之紫瓊簫
清風笑熱客
初柳如垂髻
興來便可臥
毋為歎蕭寥

錢

字目天號波齋錢塘人箸栗園詩鈔

游西山

同人纔別章江渡策騎初來萬壑中出谷亂雲薶古寺滿山
殘葉戰秋風述游但憶淒涼月入世誰如清潔蟲猶有嵩陽
舊時事好從梵唱禮休公

吳

秋

字雁市
錢塘人

杭郡詩三輯雁市十歲能詩即自負不肯下人及見章
士斐遂驚禮曰是吾師也士斐於古文尊昌黎於詩尚
孟郊盧仝而雁市則唱為生割排突之調跳盪自喜
後遊京師諸貴人招之辭不往殆浮世之高士也

皋亭山和毛穉黃韻

遙從江上望晴雲苔磴盤盤日未曛一丈老藤緣石死半潭
清水在山分攪人秋色添行卷待汝家居緝舊聞南宋風流
不堪說莫教蘿月枉移文

李延

澗

字頌將
錢塘人

楊振鏡曰頌將為式玉少弟器局闊遠超于兩兄為諸
侯上客數十年所著有春秋四傳注疏合參五十卷春

四十卷後漢書故三十卷南窗書帶二十卷類叢四十卷中錄十五卷協中錄十五卷協中錄別紀五卷

詠雪二首 錄一

鏤冰翦水門清華游戲飛瓊弄玉家是豈有心異茵溷不知
隨處委泥沙漫天作陣如飄絮墮地無聲似落花自笑冷吟
慚數典雪車一詠讓劉叉

章士斐 字淇上錢塘廩生

縣志士斐少失怙恃家貧好學居祖母喪輒就棺下鏡
讀之嚴寒無被覆衰麻卷縮戰慄聲與歌誦聲聞出益
自奮勵諸子百家靡不勤究

九日飲紫陽洞

紫陽洞石開何時平地褰衣乃在茲秋色正高陰半垂石筍
倒豎橫空施一生意趣寄山水況值佳辰重九美尋常酒榼

不費錢到處逢人亦爾爾選幽此日悄無人捫碑探字形失
真忽然叫絕得全讀呼酒列坐苔爲茵杯行無次若狂醉不
向春風自垂翅夕陽半山人乍醒猶看海棠過前寺

郭紹孔

字伯翼仁和人
著墨巢詩鈔

金濤傳略伯翼隱居臨平山北得元人貫雲石海涯山
舟字築亭冰谷泉上其詩鈔毛稚黃采入詩辯坻中

黃犢嶺

空山原世外抱犢影煢煢谷口愚公操頰濱巢父情青雲丹
桂偃白石紫芝榮何事商歌者偏多扣角聲

吳兆隆

字北野仁和諸
生著渴日樓詩

吳允隆跋兄別撰有古今謚法考二十四卷兩朝科名
盛事錄八卷史唾增刪六卷歐茗小紀一卷醉鄉雜史

卷一

寄朱左宸

知人獨數武皇朝天幸由來未必邀才氣無雙稱李廣封侯
卻是霍嫫姚

齋居自傷

疾聲撼四壁鐙黯復回光添酒不能寐閉門休自狂有人逃
世去一息隨風颺轉念老親在歎息入空房

鄭

滋字羽詵仁和人
善平干偶集

沈構堂曰平干少與毛稚黃丁藥園
素涵友善後以游幕老于湖湘之間

寄懷徐汝嘉

相違未十日離緒已三秋不下陳蕃榻誰同庾亮樓客途煙
草遠歸夢嶺雲浮燒盡西窗燭詩成蠟淚流

錢廷枚

字照五號樸
園仁和諸生

張培傳略樸園為明崇禎辛未進士震瀧子有次公之
狂酒酣耳熱辯論騰起其室人馮又令工詩有樸園唱

和集昔仇
儷雅什也

玉階怨

夕殿沈沈夜偏懸
明月光君恩向何處
漏聲如許長秋露
霏微玉階靜秋風吹
透羅襟冷寂寞長門
獻賦誰含情獨坐湘
簾影

陸曾紹

字德衣
仁和人

張丹曰德衣具紫鳳之才吐白雪之響五律數詞
命意如高松含星好竹團露不棘不膚流珠奕奕

寄友人京師

竦劍與擁艾亮哉荃獨宜
俊流說張趙同調隔牙期
不作江湖夢真堪霖雨姿
吾衰莫相問跌坐裂苔皮

雨中懷九牧兄

聽雨逍遙雅事留不堪
今段獨登樓無多骨肉成
飄散絕好

池臺阻唱酬花裏題詩思舊句簾前翦燭有新愁他生未必

猶兄弟歲歲天涯已白頭

胡大滌 字文漪 仁和人

張丹曰文漪妹婿才氣英博其詩格新字麗如春月初花吾妹桂雲亦工詩詞閨中唱和甚相得也

外舅張步青先生歿于京邸詩以弔之

去年離別跨雕鞍今日淒涼降玉棺愁絕燕雲黯無色不禁

飛夢到長安

人亾物在最堪悲感舊重來湖水湄莫道文章傳海內千秋

誰記蔡邕碑

卓回 字方水 仁和人

杭郡詩輯方水家唐樓為明月波光祿之孫光祿有別室曰東園中構樓曰大空曰梅花軒曰茶癖堂曰眾白其堂顏壁畫皆董思翁手筆左右花木交蔭闌楯周接無不妍巧後鬻于鄰人吳氏方水低徊不忍去作詩留

別同人皆有和作

別東園

虬枝百尺鬱長松爲挂閒愁幾萬重瘦石一卷人小憩亂苔
千疊徑斜封無錢賣竹慚蘇軾有興攜琴憶蔡邕待到滿園
秋桂發行吟容我暫從容

鄭許捷

字宸聞海甯諸生箸閒亭詩集

吳樵石詩話宸聞父雪昉茂才明季抗節死宸聞稟承家學能詩文兼工書法

花朝前後苦雨

不信芳菲節天教如此過晴來三日少春去二分多覓蕊停
蜂課銜泥溼燕窩物情誰管得其奈坐愁何

朱儼思

字乾若海甯諸生

府志儼思屢試不遇于有司行業益醇邃于經則漢唐箋疏宋儒傳註靡不畢究復博綜天文輿圖兵刑河渠

食貨諸論說裁以己意皆可坐言起行其為學以存誠
為主有問以決科之要者曰讀書積德人爵自至如不
可求從吾所好
其他吾弗知也

遲弟不至

有弟經年別歲闌猶在塗池塘春夢斷風雪客帆孤縱有南
飛雁甯忘反哺烏勞勞復何事多半是飢驅

周文燭

字榮谷海甯諸生
箸西疇草堂集

趙昌齡曰吾友榮谷能世其德築小園嘯詠其中中年
忽邁異疾齋志以終顏回敗其叢蘭冉耕歌其苾苾古
今同慨予
竊傷之矣

病中感懷

蛩吟唧唧夜窗淒憶昨新詩葉上題騏驥可無千里志鷓鴣
幸得一枝棲照鄰枕畔成長賦思邈庭前感病梨輾轉中宵
竟無寐明當采藥過橋西

許日章

字崑生
海甯人

省志曰章幼至孝再割股愈父母疾稍長好施予戚族
中不能婚不能舉火者調恤之嘗見桎梏而呼號者數
百人問之乃欠官租約三千金歸悉捐所有不足轉貸
以輸之買僕知是世家子不責償更贈貲使歸獲賫篋
者素識其人亦贈
之貲勸使改過

村居

不知日出尙高眠畢竟桃源別一天飽飯胡麻無箇事便看

雞犬亦神仙

巾帽蕭然倚夕陽鄰家邀我看新桑今年蠶事較前好機杼

聲中夜夜忙

陳明瑛

象山人官福建建甯道著樓霞集

宿向陽寺

久臥滄江夢未醒秋風搖落歎飄零尋幽采菊投深院攬石

捫蘿坐小亭萬木暫留三月翠千山遙送一峯青雁來解報南中信夜半支頤枕上聽

程鳴字于岡餘姚諸生

清園漫咏

清園方斗大曉靄護荆扉野水青堪沐溪山綠可衣苔茵酣石寢鶯語惜花飛遠樹參差外帆收夕照微

度大庾嶺

何年闢此路英絕九齡才故國日以遠梅花開更開嶺雲盤鳥道寒雪冱書臺待發曲江棹登樓不枉來

裘多藝字遜公別號慎亭居士天台廩生

天台詩錄遜公肆力詩古文詞所著慎亭文持同學陳君益之序之稱其簡勁似左國雄渾似秦漢順治己丑父為盜所執遜公簡劄請代盜怒欲并刃遜公不為懼盜亦異而釋之箸有孝經正解關史紀筆及慎亭文持

諸書

登赤城上巖

古洞煙霞際盤旋出半空有僧能好客引我坐臨風相對心
為靜高談聽不窮廚開香積飯庾信老山中

姚夔

字冑師號成庵山陰人順治甲午舉人
官山東曹州知州著飲和堂集十卷

玉山舟次

西歸將臘盡谿口見山梅人自客中老春從江上來維舟依

岸曲聽笛出雲隈獨酌消長夜寒蟾落酒杯

關仙渠

字槎度鍵子錢塘人順治
甲午舉人官餘姚教諭

杭郡詩輯槎度為名父子與何異子且純讀書南屏山
中頗有時譽孫宇台治贈以詩曰文苑看吾子詞場自
鳳毛誰能當弱歲而已擅風騷賦就雲間
重名成日下高憐子欲有贈為問呂虔刀

送王備五之燕

王子才名傾八斗國門懸格重千秋且尋石鼓摹奇字可上
金臺憶舊游奪席談經同舍選凌雲作賦上林求片帆直北
無愁遠燕市高歌足唱酬

沈兆連

字器先號鶴沙錢塘人順治甲午舉人

許莊祥曰王暉今世說補稱鶴沙善書孫以榮湖墅詩鈔稱鶴沙工書立格高尚今遺蹟不可觀矣

賦贈社友

山麓性之近林泉心所欣偶然似狂誕無計學耕耘芳草發
新綠幽香如贈君行經碧桃下有句寫霞文

來式鉦

字韞生蕭山人順治甲午舉人官台州教授

家傳略公性脫略不拘小節文豪放縱橫信筆所之卓然名家家官教授時循循善誘門下士來謁不事浮文長談竟日必盡所懷而後已

秋暮同田六登城山寺

盡日尋幽勝城山一徑通黃花禁暮雨白蝶怨秋風鳥度雲

煙外人閒竹木中何當共尊酒爛醉石橋東

徐元薦

字融若號枚庵錢塘人順治庚子舉人官處州教授

家傳略公由石門教諭陞處州府教授辛酉科分校閩闈薦舉得人著有四書集解語溪文存語溪詩存

量移處州口占

花下恩恩卸玉鞍又從山郡著閒官高樓自是宜煙雨天許

詩人兩地看

嘉興處州並有煙雨樓

鄭吉士

字有章仁和人順治庚子舉人官秀水教諭著鹿苔山房稿

自題鹿苔山房稿後

野性愛同麋鹿游詩成往體自風流非唐非宋吾何似一樹

梨花一段愁

支隆求

字武侯嘉善人順治庚子舉人官山東沂水知縣著泊庵集

縣志隆求與兄景良皆工詩初授遂安教諭以文行
助士擢山東沂水令多惠積致政歸著書講學以老

游柳洲亭

陡覺紅埃隔市闌青羅如帶柳絲環園亭自占晴雲外鐘磬
遙聞斜照閒頓醒塵心返初地難拋積習愛名山同羣鷗鷺
由來慣消受春風一日閒

錢

封字軼秦號松崖錢塘副貢

府志封年十三執母喪哀毀盡禮里中稱小孝子父士
璋凡三娶封事後母一如所生父歿時封年六十有一
哀號擗踊有如嬰兒

和毛鶴舫司李題余湖上自餘齋

卜居何必定棲山寂寂書堂僅數閒竹影有時驚鳥去花香
終日共人閒偶然啜茗成清醉誰是浮生得大還試向危樓
一憑眺遠峰迢遞可能攀

朱家瓚

字元邑遂昌人順治庚子順天副貢官廣東保昌縣丞著燕遊詩草

縣志家瓚聰慧博學丙申順天副榜官保昌縣丞正

直不阿拂衣歸里箸有四書述螺青發鳴摠言諸集

薛桐序略元邑恬蒼奇士駭聲兩

浙官製時興利別害上官才之吟詠留題古蹟之作有

可誦者過光孝寺云南交尚有一路紅棉好可是臣佗醉酒

屯尋呼鸞道故址云斜陽一路紅棉好可是臣佗醉酒

永夜清心一炷香卑官安敢說疎狂吾身未必關民命也為

閩閩念蓋藏

張綱孫字簡章錢塘人

懷陸子容蘭江

浮梁下鐵鎖暮艇欲何之揖客羣峯削盤灘老樹危江聲連

兩浙輶軒續錄補遺

卷一

朱家瓚 張綱孫 張邱曾 錢潤

三

縣市成火出城埠此際勞人宿烽煙只自悲

張邴曾

字蓋臣丹
子錢塘人

夏雨懷陸德衣

曾紹

驟雨傾村北山莊瓦亂鳴火雲奔古樹風色壓孤城巖日一
邊漏潭花幾處明寄言荷蓀者林外好躬耕

送吳豫瞻游姑蘇

西陵一別翠煙新古柳蕭蕭河水濱縱使橫塘春色好吳宮

花草慣愁人

錢

潤字玉圃
仁和人

吳振棣曰玉圃為張祖望甥嘗讀書楊梅鳴祖望
評其詩云秀琢之調安雅之態神情在王孟閒

贈楊梅塢湛持上人

藤蘿蔽谷口逶迤曲徑通禪房何寂寂殿閣多松風名僧此

駐錫山深無塵蹤
月出萬籟靜清磬
寒雲中巖翠映溪
水林煙護禪宮上
人本奇士彩毫擅
雕龍高蹈游物外
跌坐色相空
遯迹類惠遠談元
如支公悠然無所
牽開襟對諸峯

登樓

吳山看不厭日坐
此高樓樹杪行人
出雲邊古寺浮鳥
飛天際沒河入市
中流薄暮聞長笛
因風到上頭

施兆麟

字天石鄭貢生箸澹園集

甘羅城

停橈河口踏河隄
故壘登臨高復低
敗絮村姑吹溼火
連根野菜淪新泥
數椽淡筆倪迂畫
一樣流民鄭俠題
相國華堂何處是
飛飛嬌燕樹頭棲

放舟

水漲平湖勢欲奔浪花浮白帶煙翻寒山一望天無際隔岸漁家深掩門

次大梅日休上人韻

高遶林泉入翠微栽梅種竹共相依孤雲到處原無蹟化鶴何天不可歸花卉一枝呈縞素湖山千載有光輝他年人弔龕鐙寂惠遠驚經歎昔非

沈泰漳

字士清鄞諸生箸玉槎集

舟進小溪

錯記村南路循涯到北溝水扶溪石走魚冠荇花浮鳥語爭傳夕松陰乍報秋道途何處問漁艇隔前洲

張世泰

字時雍黃巖人

吳越懷古

中原形勝絕攀躋一覽江南問故隄吳苑月明麋鹿走越臺
春盡鷓鴣嘯采蓮豔曲移新唱浣女輕縑認舊溪俯仰霸圖
俱寂寞野花煙霧使人迷

盧鈞義

一名光仕亦名光義字行我東陽諸生著長隄詩草一卷

舟山治廨掘地得古鏡一枚其小如錢背有文凡二十
四剝蝕者七光氣四射猶燭鬚眉不知何代寶也賦
以志異

揚子江心火已滅秦皇臺上膽空裂何人鑄此徑寸珠一片
瀛雲破古月二十四氣治元化螳鼻蝥文難識別沈埋不知
幾歲年嚶掩瑤樞斗苾失粉絲在手試磨洗荷葉田田光怪
出古詩欲持荷作鏡荷暗本無光嫫鹽對此且勿憎如樸翻嫌吾面闊吾面如樸
于大東願君慎勿持之作兒戲好待留與人閒照癡結

王芝瑞

字九莖錢塘人
康熙癸卯舉人

西溪永興寺賦濟顛禪師靈蹟

溪水瀉綠油半焦魚尙活佩金立朝端炙手何用熱

炙背魚

螺旋曲復曲翦斷翠盈盈佛說不死法呼之爲尾生

剪尾螺

王先吉

字枚臣號毅庵蕭山人康熙庚戌
進士官內閣中書著容安軒詩鈔

輯雅堂詩話先生名己見阮錄第五卷詩則未錄也此
外如十七卷楊宏遠楊景通楊鴻達二十五卷朱履端
三十二卷孫慰祖三十六卷盧檀孫祥鳳補遺二卷徐
容皆有目無詩蓋藉寫全藁時書人遺之偶未校訂嘗
錄至三千餘家固不能一一無疎略今編索叢藁僅得先
生二詩孫生樹禮又得楊鴻達一家正編已定列入補
編拾遺訂墜後起之責惜
七君之詩終無從訪求也

老松篇

長日遲遲風嫋嫋百卉爭春春易老雨生眾綠能幾時稿葉

枯菱同一埽此時竹柏猶青蔥誰歟長之冬嶺松喬柯百尺

巢鶴鶴老鱗千片蟠虬龍君不見秋登實有桃與李匠所求
者杞及朽場師之養悟檟止樹木之計十年耳逝將終古飽
風煙樗櫟亦復全其天老死空山究何用不材甯許矜長年
矍鑠哉蒼丹交知爾歲寒凋獨後扶輿鍾此諒非偶冰霜磨
鍊幹逾貞雨露醇醲恩豈負老松老松雖然不受秦皇封知
否堯天麗日方再中上有采椽不斷之寓待汝作梁棟下有
蕙脯蕘蕞之屬干汝資憊懔老松老松勿謂草木之壽不與
金石同會見吉金樂石銘汝庸汝壽直齊泰華恆霍嵩

登玉山避風館眺望有感

萬里滔滔江漢聲憑高遠眺不勝情海門晝擁千山暗砥柱
天開兩岸明霸業崢嶸憑北固風波滂沱怨南征興亾自古
知難問落日蒼茫萬感生

邵士莊

字敬熹嘉子富陽人康熙壬子拔貢

縣志邑北十里過上新橋至大阪田萬頃明嘉靖初里民何霄等築堰以資灌漑歷久圯裂田盡荒蕪官民交病士莊更築之名曰普濟置田以資永久有普濟堰記

遊白龍山寺

羣峰縹緲接諸天自策孤筇覓暗泉
濤走長松催夕雨雲迷古洞淡秋煙
紺園隱見珠宮出寶刹虛無佛日懸
爲有山僧談往蹟不教驚起白龍眠

馬

字仲羽富陽人康熙癸丑進士

縣志獅臨湖里人里故有陽陂湖築隄蓄水歲久汗萊康熙五年獅借邵子旭如請于邑令勘隄之形勢修焉躬親勸督不闕月告成又二十年傾圯如舊復請於令借弟靴子鏃規畫其事而自爲重修隄牘記

夜登觀山望月

孤峰高出富春城四面波光夜正平
銀漢倒流通溟渤石梁

橫渡接蓬瀛謝莊作賦才偏麗庾亮登樓興轉清最是更闌
漁唱發碧天無際斗參橫

春江煙浪

江光淡蕩遶春沙一望煙波萬里賒浪湧歸帆銜岸樹風迎
舞燕落檣花爭思極目尋蓬島且就憑虛泛海槎幾度高歌
清興發往來雪水學浮家

陳

梓字桐友錢塘諸生

過泰泉寺

微風淨氛垢天半見高秋疊疊青螺壓層層翠羽浮僧穿黃
葉徑人倚碧雲樓莫道空明甚清光逼斗牛

徐天龍

字際雲錢塘諸生著數峰居詩集

月夜泛舟

夜深涼載月隨意盪輕舟直欲凌雲去真同秉燭游帆移清漢轉波帶亂星流恍似乘槎客重來犯女牛

程光縉

字晉錫號鶴崖錢塘諸生箸鶴崖詩集

懷姜亶貽汪幼安徐武令

歲華荏苒二毛侵客裏羈愁自不禁萬里浮雲迷故國千家明月動寒砧愁聽鼓角聲悲壯靜對秋林色淺深回首東皋荒徑在羊求何日許招尋

柴世垣

字恭季仁和人

由夷陵入峽

十日連山路雙崖忽此開水從千澗落風自百蠻來白帝城遙接滄江首重回去程駭以遠歸思日悠哉

柴

豫

字願園望子仁和諸生

秋泛

孤山寂寂倩誰陪
作意迎人勸舉杯
怪石架空圍几席
澄波倒影濯樓臺
百年天假林泉趣
同日人誇翰墨才
金粟飄香消息近
輞川還待好秋來

柴

升

字舜聞號錦川仁
和諸生著錦川集

杭郡詩輯舜聞與吳陳炎寶厓柴世堂陸升吳朝鼎字
調合刻浙西四子詩鈔王丹麓序舜聞又有宋四家詩
選

蠶婦

陌頭細雨歸何晚
簾裏篝燈夢自賒
輸與人閒羅綺婦
一生

只著木棉花

顧

彝

字名六號德庵仁
和人著愛今草

宿金山饒益樓

孤懷能出世清夜憩高樓山色月中遠鐘聲水面浮雲煙接
瓜步歌管競揚州自歎西風裏蕭蕭兩鬢秋

鮑懋芳

字芝山仁
和諸生

石笕

鰲石青苔古喧喧萬井前腴饒喜今日疏鑿定何年曲水穿
河黑崇隄障海偏沿流楓盡赤落照淡人煙

夏夕同人集沈氏南園

客醉溪亭暝禽歸野樹蒼擊壺悲老驥駐轍歎凶羊螢曳星
深碧桐嵌月淡黃時危便鼓角命薄壓文章豪飲追河朔名
園勝辟疆池荷紛馥郁鄰笛劇淒涼睡鴨銷香篆飛蛾赴燭
光露眠褰廣葛高論據胡牀漏盡渾忘返詩成更舉觴還期
叢桂發同集頌天香

應大觀字我生
仁和人

藕花洲

溪漲合成湖風蒲颺一區雲飛芳澈渺山入亂煙孤舊社暮

題刻新吟感畫圖誰憐今杜若輞水寫模胡

趙憲斌字尹施
仁和人

像光湖

臨湖開寶地光怪憶神龍氣白吞吳雨波深倒越峯漁人閒

鼓檝鹿女坐鳴鐘秋漲年年闊丹青古殿重

王之賓字示周
仁和人

明因寺

地得優婆勝名因後主傳洗妝鳴玉磬施鏡禮金仙篔落花

隨逝垣積月自懸六朝餘綺麗臨眺欲潛然

郭孝寬

字西韋仁
和諸生

冰谷泉

憶昔留泉石何年灌莽侵響隨清澗落源其白雲深竹靜涵
朝翠松高覆夕陰不須愁寂寞幽意託孤岑

施

鵬字天池號瓶巖仁
和諸生著蠹餘集

武林人物新志天池兒時警悟過人九歲咏蜂有句云
賦質雖乖性亦靈君臣冠履秩然分頗為老輩稱賞長
益勵學所讀書恆手繕有四書直講春秋二
傳異詞並藏于家體羸善病年三十二卒

宿山家作

無事山家靜新涼換葛衣晚風吹草徑宵月浸柴扉樹老棲
鴉古庭深落葉稀幽光看不足馳逐悔吾非

錢

灝字留村海甯貢
生著文杏堂稿

海昌詩繫補留村純孝性成學問淵
雅范文白朱止溪揚以齋咸稱重之

自偏福度嶺至顯甯寺

寂寂空山候曉過喜逢幽處聽樵歌
松陰布地成邱壑石勢排空挂薜蘿
鳥道窮時青嶂遠虎溪深處白雲多
津梁未逮予先倦高枕巖扉意若何

錢成熙

字子緝海甯諸生

許湛祥曰謹按海昌備志載先生著說文音訓略一卷

寒花和幔亭弟韻

寒花每向深秋發繞砌敷榮不染塵
與我素心同冷淡生來未解戀陽春

未解戀陽春

徐辰角

字左田海鹽諸生箸毓德堂集

張嘉鈺序略先生續學砥行工詩古文詞性耽遊覽足迹半天下所過流連憑弔留題甚多

過七里瀧追憶開化舊令王亦凡

七里風吹過客船浮嵐疊翠暖如煙山遮帆面疑無路水轉
隴腰別有天孤枕新添長夜夢舊遊還記十年前河陽花木
今誰屬閱盡滄桑意惘然

賦謝查初白編修跋晴巖詩卷

春風秋雨閉門中吟嘯聊堪抵候蟲舉世有誰憐北郭瓣香
惟願拜南豐珠璣光遠留真諦寶笈鋒銛待發蒙他日流傳
在人海可知玉局有宗風

趙有德

字仲昭餘姚人官四川
屏山知縣箸川情懋草

張心翼日先生詩高

古超脫寓意深遠

余揚生日仲昭詩有一段
豪放自得之趣莫可掩抑

渝州旅情

峭壁挂飛泉羣山擁巨川猿聲三峽雨鶴背百蠻煙秋入多

情樹人居離恨天臥龍無遠略流水自年年

何文鉞 字式公臨海諸生箸滇行遺草

林雲銘傳略公生而穎異孝女敦慈補諸生學益力文

益工同里馮司寇魁字以女康熙癸丑司寇守楚雄式

公就昏官邸適滇變將作挈室東歸阻不得達往依寶

慶守米璋有持偽次冠德憑改服者輒正色斥之次年

甲寅二月以憂時思親晨夜徬徨悌鬱成疾而卒年僅

二十有二越八年滇難平遺腹孤柏章始從其嫠母扶

喪歸葬可哀已

潘耒序略式公天資雋妙多警絕之語天不假年所就

止此其配以少年苦節藏弄此編俟孤長而授之其賢

比于歐母君之子梁器奉斯手澤結想

銜悲不啻王褒之攀柏丁蘭之刻木也

去歲曾今日蒲觴侍二親關山遠萬里魚雁斷三春遙想斑

衣樂徒憐羈旅人惠風如有意吹夢到江濱

袁日華 字叔素號實齋別號鴛湖外史天台人官秀水訓導

秋居

邇來惟寂靜蓬戶不須關
天地吾儕在風塵此道難
一貧高自臥萬事醉相看
莫謂周居隘袁閎本自寬

曹秋岳先生招飲采山亭次韻

采山亭上晤言寬
霄水湖邊寄釣竿
曼倩談諧金馬易
子真依隱市門難
飄飄天地雙龍劍
落落風塵一鷓冠
賴有書倉衣被厚
齋居曾不悼氈寒

呈王阮亭先生

秋到燕臺曉色蒼
仙郎起草漢明光
望懸斗極時名重
官隸司農國計長
東閣梅花傳麗詠
南滇金馬出新章
已知元草多奇字
肯許侯芭載酒嘗

潘

沐

字敬韋號新彈仁和人康熙丙辰進士官翰林院編修箸三餘堂集十卷

杭郡詩續輯新彈爲鷲山七子十六子之一毛稚黃嘗
序其詩以爲骨清而澤腴惜遺稿俱佚所見惟三餘堂
近詠數十
首而已

蕭王臺

梁帝臺何處憑高控九州嶺迴藏洞壑祠古失笙篴縹緲生
秋雨蒼茫動客愁還聞有白鶴常駐此山頭

聞丁飛濤近信

逐客飄搖信所歸披荒蹤迹與心違金門慘淡浮雲隔梁獄
蕭條白日微身世漸拌詩酒異風霜眞苦信音稀長沙未是
窮邊地賈誼何緣淚滿衣

吳上修

字以敬號永庵蘭溪人康熙丁巳
舉人官餘杭教諭著芝雲樓詩草

瓶芝

長風莽炎夏露葉乾不泣江清赤日高山兀黃雲捲我坐讀

書樓襟懷亦未展呼童出采芝崖壑恣遙眎恰於三秀中妙
得一莖選姿致既縈紆精光赫環轉藝之古膽瓶仙根託非
淺懷抱山林心開通鬱攸喘蕭然與寤歌文光五花衍

馬

鑣字劍潭狝子富陽人康熙戊午舉人

春江夜泊

一天明月照孤舟獨宿江頭萬頃秋隔浦雁聲依水落滿村
漁火逐波浮槎迴銀漢星光動劍拂清霜蜃氣收休嘆蕭蕭
蘆荻夜興來擊楫向中流

許先甲

字彝千仁和廩生舉康熙己未博學鴻儒官桐鄉訓導

杭郡詩三輯彝千為勉無先生子幼臥聽父讀旦輒默
誦無遺司訓桐鄉值盜警城無守禦邑令惶怖彝千曰
是可先聲奪之于是火炬齊發金鼓震天盜以有備駭去

登武陟山

百疊嵯峨一望齊扶筇未敢憚攀躋留雲翠壁春旗展礙石
蒼松偃蓋低鳥道穿岷通古洞山家引澗入青畦登臨最喜
方三月嶺樹巖花處處迷

姚廷益

字贊師錢塘人康熙辛酉拔貢官內閣中書著遜志堂集

府志廷益十四齡補杭郡諸生旋登拔萃科
爲文根本秦漢康熙癸亥與修浙江通志

秋江觀潮

木落寒江上秋風涌白波湍回驚日月浪動覆星河野鷺洲
前沒孤帆檻外過壯懷凌海嶠直欲駕黿鼉

九日登吳山大觀臺

獨立高臺上蒼茫望有無山川限吳越雲樹渺江湖乘興攜
芳醕開懷眺綠蕪黃花簪滿鬢應勝把茱萸

徐吳昇

字庚來號蘇園錢塘諸生著蘇園詩刪

抗郡詩三輯蘇園為吳錦雯先生外孫幼依外家曾受業柴虎臣陳際叔孫宇台三先生之門

送姚二京北游

北關餞別路漫漫九月河干楓葉丹日暮孤帆秋水闊途遙
遠樹白雲寒南山桂落香初冷北地霜多雁到難此去燕豪
皆舊識莫遲雙鯉報平安

張

字禹臣錢塘人

縣志淵寡言笑而善讀書好談古忠義事受業章士斐之門為詩初從宋入後取漢魏六朝詩誦之詩益工嘗就正于毛奇齡為訂定題其卷首日三百篇章撫功為之序

同洪玉宋黃恕涵登雷峰塔

塔影愛峻嶒此獨饒渾樸蒼藤盤繞之宛似虬龍伏鶴鳥始
何年舉族家其腹荷香拂面生漁艇歌相續且喜躡仙蹤乘
興爭相逐猿臂登高崖握衣入叢竹酌茗隨賦詩松根還憩

足返棹夕陽中杯影秋山綠回首望南屏古寺鐘聲促

趙以文

字允明號止庵錢塘人

許濂祥曰止庵先生多長者之行性沈默寡言笑有以
疑事質者論如懸河一座盡傾工詩文尤善畫康熙癸
巳游京師會大學士王公拔開館招繪
萬壽盛典圖止庵與焉已而出居庸盡圖塞外花草識其名

而歸

宿漁浦

漁浦乘潮泊蒲帆卷暮煙孤舟斜劃水危塔遠撐天客路方
經日離情似隔年悽然成野宿愁夢繞江邊

夢歸吳山自鍾翠亭過半月池訪居雲處士得落花殘

照一聯醒而足之

故人何處掩柴關只在松陰鳥語閒一澗落花春水漫數峯
殘照野雲閒偶耕已負林中叟識路空憐夢裏山握手他時

成一笑蕭蕭相對鬢毛斑

沈如焯字尹求號澥齋存仁從子錢塘人箸澥齋詩牘

杭郡詩續輯澥齋三四歲時即能屬對稍長力學攻苦而無所遇嘗藁筆年大將軍幕府惡其驕恣拂衣去歷游齊豫粵東西幾五十年性好吟詠晚年刪存詩七百首蠶眠小字皆八十後所手錄者

沙園卽事

羨君卜築有幽致屋後層巒屋外沙綠柳繞門高士宅紅牆
沿水野僧家送梅雨過移花墪破浪船歸載網車我得餘閒
來此住便教逸興老煙霞

范湖草堂

范蠡湖邊舊築廬東風先入小方諸極思刻竹題詩在尙想
高眠借榻居柳下汲泉春煮茗松閒聽吹晝攤書愛閒心事
終難遂花底黃鸝暗笑余

黃

鐘字朗亭號鐵庵仁和貢生官刑部郎中著春華閣詩鈔四卷

吳振棣曰鐵庵好施予有求必應官京師時城東多荒邱遺骸狼藉捐貲屬主僧覆之所著春華閣詩鈔張文敏符藥林均有序

庚午至瓊州喜晤若谷四弟

一棹來江海同心話弟兄可鑄忠介集每惜贊皇名報

國休糜祿籌邊要論兵贏他蘇玉局共被到深更

黃

錚字憲威號若谷鐘弟仁和貢生官廣東雷瓊道

揖雅堂詩話若谷著粵游草惜不得見其履任詩云莫謂長安遠須知屋漏嚴存心如此可以想其為政矣

瓊州觀風示諸生

茲邦挺豪傑邱海世所賢仲深補衍義大學探遺編上接西
山緒百世無異傳忠介殊錚錚居官不受錢遺愛在人口祠
屋今蟬媽勉哉諸君子模範得所先古今可相及要貴心志

專至道在詩書毋徒荒歲年

諸殿錕

字贊扉仁
和廩生

杭郡詩三輯君箸育春秋指
要康熙間與修浙江通志

偕友游紫雲洞

絕壁高千仞遨遊見所聞名山此拳石大地亦浮雲危磴空中入懸崖天際分歸來遙一望紫氣結氤氳

郁永河

字滄浪仁
和諸生

杭郡詩三輯滄浪客入閩著有稗海紀游略又名採菴
日記南海伍氏刻入粵雅堂叢書於全臺山川形勢番
俗民情紀之特詳末卷尤暢論焉性愛硯藏
大小數十枚把玩拂拭所好不減高似孫也
緝雅堂詩話余嘗覽采疏日記於全臺形勢如觀掌紋
其云守臺灣尤宜以澎湖為重地為臺灣門戶三十六
島絕無暗礁皆可泊船故欲犯臺灣必先攻澎湖澎湖
既得進戰退守無不宜欲守臺灣亦先守澎湖澎湖堅
壁敵舟漂蕩無所泊即坐而自困觀其所言洞悉兵法
獨事如火可謂深識之士其他偉論不可悉舉爰采此

條以託
感歎

臺郡竹枝詞

鐵板沙連到七鯤鯤身激浪海天昏任教巨舶難輕犯天險

生成鹿耳門安平城旁自一鯤身至七鯤身皆沙岡也鐵板沙性重得水則堅如石舟泊沙上風浪振擲舟

中立碎牛車千百日行水中曾無軌迹其堅可知

雪浪排空小艇橫紅毛城勢獨崢嶸渡頭更上牛車坐日暮

還過赤嵌城紅毛城即今安平城渡船往來絡繹皆在安平赤嵌二城之間而沙堅水淺雖小艇不能達岸

必藉牛車挽之赤嵌城在郡治海岸與安平城對峙

編竹爲垣取次增衙齋清暇冷如冰風聲撼醒三更夢帳底

斜穿遠浦鏡官署皆無垣牆惟插竹爲籬比歲增易無垣牆爲蔽遠浦燈光直入寢室

耳畔時聞軋軋聲牛車乘月夜中行夢回幾度吹角更有

牀頭蟋蟀鳴牛車挽運百物月夜車聲不絕蟋蟀音優忝即守宮也臺灣守宮善鳴聲似黃雀

蔗田萬頃碧萋萋一望龍蔥路欲迷細載都來糖蔀裏只留

蔗葉餉羣犀取蔗漿煎糖處曰糖蔀蔗梢餉牛牛嗜食之

青蔥大葉似枇杷臃腫枝頭著白花看到花心黃欲滴家家

一樹倚籬笆番花葉似枇杷花開五瓣白色大本臃腫枝必三叉花心漸作深黃色攀折累三日不殘香如

庵子病其過烈風度花香頗覺濃郁

芭蕉幾樹植牆陰蕉子纍纍冷沁心不為臨池堪代紙因貪

結子種成林蕉實形似肥阜排偶而生一枝滿百可重十

獨榦凌霄不作枝垂垂青子任紛披摘來還共蔓根嚼羸得

脣閒盡染脂檳榔樹無旁枝亭亭直上徧體龍鱗葉同鳳尾子形似羊棗土人稱為羊棗檳榔食檳榔者必

且棘食後脣盡紅

惡竹參差透碧霄叢生如棘任風搖那堪節節都生刺把臂

林間血已漂竹根迄際以至於葉節節皆生倒刺往往牽髮毀肌察之皆根之萌也故此竹植地即生

不是哀梨不是楂酸香滋味似甜瓜枇杷未見黃金果番棧

何勞向客誇番棧生大樹上形如茄子

肩披鬢髮耳垂璫粉面朱唇似女郎馬祖宮前鑼鼓鬧侏離

唱出下南腔梨園子弟垂髻穴耳傅粉施朱儼然女子土人

海船多於此演劇報賽闌以漳泉二郡

爲下南下南腔亦閩中聲律之一種也

臺灣西向俯汪洋東望層巒千里長一片平沙皆沃土誰爲

長慮教耕桑臺郡之西俯臨大海實與中國閩廣之間相對

叢人不能入其中景物不可得而知也山外平壤皆肥饒沃

土惜居人少土番又不務稼穡當春計食而耕都無蓄積地

力未盡求闢土千一耳

造化鍾奇構崇岡涌沸泉怒雷翻地軸毒霧撼崖巔碧湖松

長檣丹山草欲燃蓬瀛遙在望煮石逐神仙

五月行人少西陲有火山孰知泉沸處遂使履行難落粉銷
危石流黃漬篆斑轟聲傳十里不是響潺湲

土番竹枝詞

生來曾不識衣衫裸體年年耐歲寒犢鼻也知難免俗烏青

三尺是圍闌

烏青是黑布名

文身舊俗是雕青背上盤旋鳥翼形一變又爲文豹鞞蛇神

牛鬼共猙獰

牛綫以北胸背皆作豹文如半臂之在體

胸背爛斑直到腰爭誇錯錦勝絞綃冰肌玉腕都文遍只有

雙蛾不解描

番婦臂股文繡都遍獨頭面蓬垢不知修飾以無鏡可照終身不能一觀其貌也

番兒大耳是奇觀少小都將兩耳鑽截竹塞輪輪漸大如錢

如椀復如盤

番兒大耳如盤立則垂肩行則撞胸同類競以耳大爲豪故不辭痛楚爲之

丫髻三叉似幼童髮根偏愛繫紅絨出門又插文禽尾陌上

飄飄各鬥風

覆額齊眉繞亂莎不分男女似頭陀晚來女伴臨溪浴一隊

鷓鴣蕩綠波

字殺以北男女皆翦髮覆額狀若頭陀番婦無老幼每近日暮必浴溪中

鑪貝雕螺各盡攻陸離斑駁碧兼紅番兒項下重重遶客至

疑過繡領宮

銅籬鐵蠲儼刑人門怪爭奇事事新多少丹青摹變相畫圖

那得似生成

老翁似女女如男男女無分總一般口角有髭皆拔盡鬚眉

都作婦人顏

腰下人人插短刀朝朝磨礪可吹毛殺人屠狗般般扇纒罷

樵薪又索綯

人各一刀頃刻不離斫伐割剝事事用之

耕田鑿井自艱辛緩急何曾叩比鄰搆屋斲輪還結網百工

俱備一人身

番人不知交易借貸有無相通鄰人有粟飢者不之貸也畢世所需皆自為而後用之

輕身矯捷似猿猴編竹為籬束細腰等得吹簫尋鳳侶從今

割斷伴妖嬈

番兒以射鹿逐獸為生腹大則走不疾自孩孺即箍其腰至長不弛常有足追奔馬者結縲之

夕始斷之

男兒待字蚤離娘有子成童任遠颺不重生男重生女家園

原不與兒郎

番俗以婿紹瓜瓞有子不知承父業故不知有姓氏

女兒纔到破瓜時阿母忙為構屋居吹得鼻簫能合調任教

自擇可人兒

番女與鄰兒私通得以自擇所愛

只須嬌女得歡心那見堂開孔雀屏既得歡心纔挽手更加

鑿齒締姻盟

亂髮鬢鬢不作縞常將兩手自搔爬飛蓬畢世無膏沐一樣

綢繆是室家

番婦亂髮如蓬蟻蝨蓬走其上時以五指代梳

誰道番姬巧解釀自將生米嚼成漿竹筒爲甕牀頭掛客至
開筒勸客嘗

夫攜弓矢婦鋤耨無褐無衣不解愁番鬪一圍聊蔽體雨來

還有鹿皮兜

鹿皮藉地爲臥具
遇雨卽以覆體

竹弓楛矢赴鹿場射得鹿來付社商家家婦子門前盼飽沾

餘慙是頭腸

番人射得麋鹿以付社商收掌充
賦惟頭腸無用得與妻孥共飽

莽葛元來是小剗剗將獨木似浮瓢月明海溼歌如沸知是

番兒夜弄潮

番人夫婦乘莽葛射
魚歌聲竟夜不輟

種秫秋來甫入場舉家爲計一年糧餘皆釀酒呼羣輩共罄

平原十日觴

秫米登場卽以爲酒男女藉草
劇飲歌舞晝夜不輟不盡不止

梨園敝服已蒙茸男女無分只尙紅或曳朱襦或半臂土官

氣象已從容

土官購戲衣爲公服
但求紅紫不分男女

兩浙軒輊錄

卷一

郁永河 傅辰三

周元謙

三

土番舌上掉都盧對酒歡呼打刺酥聞道金叻避元難颶風

吹到始謀居番語皆滾舌作都盧轂轆聲

深山負險聚游魂一種名為傀儡番博得頭顱當戶列髑髏

多處是豪門深山野番種類實繁舉傀儡番以概其餘

傅辰三字星列號未孩仁和人

舟中感懷戲簡載夫

檢點詩瓢與畫又布帆依舊到天涯客懷易醉烏程酒病眼

愁看白柰花落日橫塘如許路小樓弄笛阿誰家尋春忽憶

西陵在游袂翩翩逐鈿車

周元謙字灌甫仁和人官河南臨漳知縣

杭郡詩三輯灌甫宰臨漳多惠政引疾歸里入香光社與顧涑園余松屏葛玉倉何東甫曹仙稊輩倡酬甚樂

展重九日亦庵弟招同人集臥陶軒分韻

耆英差可擬芳徽
檢點尊前半古稀
落帽不須同坐謔
黃花留伴隔旬暉
終朝月旦聯吟洽
兩鬢霜華惜歲違
貪憩園林惟屬饜
更闌燈火杖藜歸

陳張翼

字楚望號東園仁和人東園詩存

湖上探梅

隔歲幽情脈脈思
東風先問向南枝花
名破臘休疑早山意
衝寒尙覺遲無數
橫斜愁獨冷一番消息
倩誰知西湖孤枕
拋殘夜曉起殷勤
不自持

高鳴驥

字灌園仁和人官河南商邱典史

吳振棫曰高君鳴驥改名高叟字固哉號灌園老人著有灌餘吟一卷江行日記一卷

自題且灌園

半畝田中宅呼爲且灌園
三閒竹葦屋一帶薜蘿垣
種桂稱

佳客傾醪笑瓦盆主人非避世休認作桃源

小圃開何許村南遠市廛數重花樹內十字水田邊環碧亭
之外臨虛閣以前波光與嵐色幽景總天然

煙水亭

多病心情祇覺慵偶然閒步自攜筇且撐艇到湖中寺更上
樓看窗外峯也復有煙兼有水何如宜淡又宜濃龍池古刹
聲初動錯認南屏打晚鐘

高儀鳳

字敬思號碧岑仁和
人善碧岑山房詩

杭郡詩續輯碧岑沈毅淵雅於書無所不讀手自評錄
者幾數百種徧歷幕府南游衡湘東經泰岱北過宣大
西至伊犁晚年旋里往
來湖上卒年六十三

贈馬

馳驅久負出羣材一日猶思徧九垓未遇知心甘伏櫪纔經

展足絕驚駘會看赤電因風起行見蒼蠅附尾來冀北空羣
成底事莫從儕輩浪鳴哀

沈聖旭

字輯升謙
子仁和人

桐扣山

石鼓知何處蒼茫萬壑秋風雲迷虎穴松竹抱僧樓清詠增
幽興憑高託壯游今來誰博物欲問已悠悠

沈聖治

字治人謙從
子仁和人

登寶所塔

寶所開吳越蕭森古木封到門通曲徑當殿削諸峯生計分
蜂蜜禪心見虎蹤殘碑雖在眼霸業可重逢

沈翼世

字芳貽海甯歲貢官武
義訓導著麟秋閣詩鈔

黨雲館贅語芳貽世主詩社唱和有麟秋閣存古堂穀
貽堂梅圃雅集薇山草堂等集前輩風流尙可想見

初夏社集分韻得茶字

落盡春闌桃杏花有人簾底唱朝霞
放翁病起題詩句潘令
愁深感歲華簾幕風微飛燕雀
池塘雨過叫蝦蟇
草堂雅集
風流在亭午清陰煮綠茶

趙昌齡 字松崖海甯諸生

許莊祥曰松崖先生居橫塘嘗佐許公三禮纂修志乘其所輯東海詩選中集回冊皆明季遺老之作
康熙八年六月龍風為災詩以紀異

田水騰赤波雲光灑紅雨驚呼一村人龍飛不知處

許楹 字季覺海甯人著

府志楹居母喪勺飲不入口者七日既葬廬墓三年居父喪毀如之康熙戊子歲饑捐振周厯村落計口賦券存活極眾

謁孔林歸

舉世多異學先師有訓言肅容拜車服養志返田園求道年
方少談經語不煩所思在切近未敢詡探原

陸

韜

字大生號秋岸餘姚人

張廷枚曰秋岸先生工詩文善繪事尤長小札有六朝人風致

招隱

何方是樂土卜築水雲邊密柳深藏屋明霞晚照天振衣層
阜上柱杖野花前早了公家稅晨昏自在眠

春感

何事升沈怨不平時來時去甚分明杏花吹落桃花發一樣

春風兩樣聲

齊

珣

字汝璣號東亭天台恩貢著自怡吟詩草

晚抵山莊

向暝穿林樾人家倚翠屏鳥歸翻落照螢起亂疎星田父謀
雞黍山童餉朮苓夜來談歲儉悽愴不堪聽

朱

溥

字濟叔號螺舫天台歲貢
著霞章樓集二十四卷

天台詩錄螺舫天姿英邁與新城陳于上新昌呂煥善
于上序其嘯聲詩謂如泣如訴曲折反覆哀而不傷怨
而不怒而仁孝之思見於紙上煥序其霞章樓集
稱爲當今大作手體雖羸而氣能吞牛力可扛鼎

石梁寺

玉虹橫跨處蒼翠滿山阿霞氣披瓊閣溪聲落白波聞鐘生
坐悟見鶴起行歌應有仙人至要予石上過

晚至疊石莊

山昏未暝色水帶欲寒聲熟道無須問迷煙亦礙行遙林聞
犬吠矮屋見鐙明待到蒼松下開扉稚子迎

周學備

字思我
東陽人

樓上層傳略先生慷慨仗義曉音律善騎射耽書史康
熙閒耿逆竄擾東邑督團解圍縣令尹欲行保薦辭不
受并剿平義邑雪頂
土寇四境賴以安堵

題子陵垂釣圖

何代無高人子陵獨千古風雨一釣竿不復知光武

虞光滌

字帶如義烏歲貢官龍泉訓導

楓橋旅次

橋斷樹堆春停杯話苦辛孤燈憐我獨涼月向誰親客夢遲
林鳥香風弄渚蘋鑪頭深撥火寒盡又經旬

兩浙輶軒續錄補遺卷一